



**Prevenziun d'accidents**

Annualmain datti radund 60 grevs accidents da traffic cun af-fons che van cun velo.

5



**Adia Club da fans Marco Gini**

Dacurt ha gi lieu la festa da fin da la carriera da sport dal skiunz Marc Gini da Beiva.

10

südostschweiz

# LA QUOTIDIANA

Redacziun: Via Sommerau 32, 7007 Cuira, tel. 081 255 57 10, redacziun@laquotidiana.ch

## Origen va anc pli ad aut

Origen Festival Cultural

DA GION NUTEGN STGIER/ANR

■ Per ils quatter proxims onns daventa ina tur sisum il Pass dal Güglia la caratteristica dal pli grond festival da cultura da noss chantun. Construida vegn la tur sco chasa da teater e per la construcziun da quella vegnan investads 2,5 milliuns francs. Ina singularitad da Giovanni Netzer, l'intendant da l'Origen Festival Cultural, èsi da far experiments, e quai gia dapi il 2005, l'onn nua ch'el ha inizià ses festival da cultura. Da lez temp han bleras personas strusch vesi in bun futur per Origen e bunamain prognostigà il naufragi da quest festival cultural. Oz, 12 onns pli tard, è Origen Festival Cultural ina instituziun da renum nazional e la pli gronda occurrenza culturala da noss chantun. Ier ha Giovanni Netzer presentà a Turitg ses pli nov project che stat gia sin maisa. En trais emnas ha lieu l'emprima badigliada da la tur da teater sisum il Pass dal Güglia, sin ina autezza da 2300 meters sur mar. La tur surdimensionala ha ina autezza da



Sin il 12avel plaun d'in bajetg a Turitg è vegnida preschentada la tur da teater che vegn construida proximamain sin il Pass dal Güglia. Ella vegn ad esser in dals lieus per las produziuns da l'Origen Festival Cultural. FOTO G. N. STGIER

30 meters, in diameter da 22 meters e construida vegn ella cun 40 elements da lain. Per la construcziun da la nova marca dad Origen segna la Uffer SA da Savognin, cun ses patrun innovativ Enrico Uffer. Grazia al sustegn dal maun

public cunzunt dal chantun, da varsaquantas vischnancas, da numerusas fundaziuns ed instituziuns, dentant er da la confederaziun e da bain enquala persuna privata èsi pussaivel da realisar quella tur da teater che porscha plaz a

radund 300 visitaders. L'avertura ha lieu la fin da fanadur da quest onn e quai en preschient-tscha da cusseglier federal e minister da cultura Alain Berset.

➤ PAGINA11



Lucian Alig davos il buffet ell'ustria dil hotel Pèz Terri. FOTO S. MAISSSEN

## Cun 19 onns hotelier

Il giuven Lucian Alig meina dapi dus onns il hotel Pèz Terri a Vrin

■ (anr/sm) Cuort suenter haver frequentau la scola da recrut ha Lucian Alig surpriu il hotel Pèz Terri a Vrin. Il giuven da 21 onns ei carschius si entadem la Val Lumnezia denter ustria ed hotel. Lunsch naven dalla canera dils marcaus meina Lucian Alig il hotel a Vrin dapi gleiti dus onns. Sco buob ha Lucian luvrau biaras stads ella Ustria dalla Posta. Aschia ei igl interess per la gastronomia carschius. Igl emprendissadi ha il giuven hotelier fatg a Glion ella cu-

schina dil spital. Sco agen patrun porta il giuven interprendider dabilia responsabladad. Ils dis ein liungs e lavur anflan ins en mintga cantun. La pissiun pil cuschnar ed il contact culs hospes lai denton emblidar las varts meins bialas. Tier siu engaschi survegn el sustegn dalla famiglia sco era d'amitgs. Cu el ha peda va el bugen per las muntognas e gauda il ruuas dalla natira sco biars da ses hospes.

➤ PAGINA3



A Scuol sün Motta Naluns han ils respunsabels pudü bivgnantar ingon numerus uffants. FOTO A. BADRITTÄ

## Eir Pasqua be mediocra

■ (anr/fa) La paca naiv al principi da la stagiun ha influenzà ils resultats dals territoris da skis in Grischun. Las pendicularas in chantun han raggiunt ün resultat per 7,9 pertschient main bun co la media dals ultims tschinch onns. Quai vala eir pels territoris da sport d'inviern Motta Naluns e Minschuns. Daniel Pitsch chi maina la gestiun dals Implants da sport Val Müstair SA disch chi ha-

jan stuvü serrar lur territori fingià la fin da marz. «Da tgnair avert fin a Pasqua füss stat pussibel be scha no vessan pudü far naiv a l'ingrossa.» Ch'els nun hajan amo ils resultats finals, manzuna Egon Scheiwiler, il directur da las Pendicularas Motta Naluns SA, «a Pasqua vaina gnü dret blera glieud, ma ora d'avrigl.»

➤ PAGINA9

### ■ PARLAMENT

#### Nagina udida per arguments formals

(anr/ac) Il cussegl grond ha procurà ier mardi per ulteriur vapur per la viafier culturala. Cunter la veglia da la regenza ha el acceptà ina incumbensa dal deputa Rico Stiffler (pbd, Tavau). Arguments formals cunter la promozion turistica ed il cussegl grond è sa decidi per la viafier culturala. Uschè bain ch'els custs da quella purschida istorica sin il binari da la Viafier retica èn curclads sulet per 30 pertschient. Il cusseglier guvernativ, Mario Cavigelli, ha appellà a cussegl grond da refusar l'incumbensa che na sa laschia betg realisar en sia formulaziun. Il mandat da prestaziun na sa laschia betg midar a favur da la viafier culturala senza responder la purschida dal traffic public actual.

Dals arguments dal cusseglier guvernativ ha la majoritad da cussegl grond vulü savair nagut ed ha acceptà l'incumbensa Stiffler cun 62 cunter 54 vuschs cun ina abstenziun.

➤ PAGINA9

## Zavrar e sistemar

Il project «graubündenHIKE» sededichescha als viandonts

DAD AUGUSTIN BEELI / ANR

■ Il Grischun sco regiun ch'ei dependenta da quella petga economica ei staus pupergnaus ils davos 50 onns d'in bien svilup el turissem d'unviern. Oz tonscha quei buca pli. Viandar vala sco recept da success. Il turissem da viandar ei oz obligaziun – silmeins per organizaziuns che vulan gudignar hospes novs. Perquei fa la promozion dall'economia el Grischun gronds sforzs da reactivar

il turissem da stad. Las impurtontas activitads ein igl ir cun velo da muntogna ed il viandar. En connex cul viandar ha la regenza approbau avon quater onns il project «graubündenHIKE». Ei se tracta d'in project semeglient sco «graubündenBIKE» ch'ins ha terminau ils 2015. Tuttas organizaziuns turisticas, ils purtaders da prestaziuns sco Viafier retica, Auto da posta, hotellaria, pendicularas ed ulteriurs ein involvai. Il hosp da viandar che vegn el Grischun duei

haver a disposiziun purschidas attractivas e conformas al temps. Per quei intent drova ei denton ina coordinaziun cun mesiras. Il concept «graubündenHIKE» ei colligiau cun 38 talas mesiras. GrischunVanczas ha mess igl onn 2017 in accent principal ella comunicaziun dalla tematica «viandar». Cunquei accentuescha l'organizaziun la muntada dil project cul viandar sco activitad recreativa.

➤ PAGINA3



Ir a viandar, suandar las marcaziuns ed ils muossavias, ei era la proxima stad trumf. FOTO A. BEELI